



Broj: 02-04-1448/21-AP-3  
Datum: 21.06.2021. godine

OPĆINSKO VIJEĆE ZAVIDOVIĆI  
n/r PREDSEDavajućoj Općinskog Vijeća  
gospođa Erna Merdić Smailhodžić

PREDMET: Odgovori na vijećnička pitanja sa 5. sjednice Općinskog  
vijeća Zavidovići održane 31.05.2021. godine, dostavljaju se

Povodom vijećničkih pitanja postavljenih na 5. sjednice Općinskog vijeća Zavidovići  
održanoj 31.05.2021. godine, dostavljamo odgovore na iste kako slijedi:

#### 1. VIJEĆNIČKO PITANJE VIJEĆNIKA HARISA HODŽIĆ

Vijećnik Haris Hodžić: Na osnovu članova 8. i 87. Poslovnika o radu Općinskog vijeća  
Zavidovići, kao vijećnik Općinskog vijeća Zavidovići postavljam sljedeće vijećničko pitanje:  
Kada će nadležna općinska služba izvršiti sanaciju uličnog stuba i postavku novog rasvjetnog  
tijela na lokaciji Dubravački put bb?

Obrazloženje:

Već više od dvije godine rasvjetni stub uz lokalni put Zavidovići-Dubravica u ulici Dubravački  
put bb ugrožava sigurnost učesnika u saobraćaju i nedoprinosi svojoj namjeni i svrsi a to je da  
osvjetljava dio pomenute ulice i saobraćajnice lokalnog puta Zavidovići-Dubravica.

Oštećenje stuba rezultat je saobraćajne nesreće u kojoj je, po navodima mještana, odgovorno  
lice isplatilo naknadu za nastalu štetu ali do danas rasvjetni stub nije saniran.

Direktno pitanje: Kada će i u kojem periodu nadležne općinske službe osigurati  
sanaciju/zamjenu rasvjetnog stuba i obezbijediti postavku rasvjetnog tijela?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu  
poljoprivrede, vodoprivrede i komunalnih poslova, broj: 08-45-5/21-AP-168 od 23.06.2021.  
godine): Planom održavanja javne rasvjete u tekućoj 2021. godini saniranje stuba javne  
rasvjete u ulici Dubravački put b.b. a koji je oštećen usljed udara automobilom planirano je za  
naredni mjesec tj. u periodu između 20.07 i 31.07.2021. godine.

## 2. VIJEĆNIČKO PITANJE VIJEĆNIKA AJDINA POLIĆ

1. Vijećnik Ajdin Polić: Poštovani sugrađani, načelnice sa saradnicima, Radno predsjedništvo, kolege vijećnici, kolegice vijećnice sve vas srdačno selamim i pozdravljam. S obzirom da je kroz našu općinu prokopan, kako sam nezvanično saznao Telemahova linija Zenica - Tuzla trasom preko Priluka, Gostovića, zatim Lijevče, Bajvata, Mahoja i dalje u pravcu 100 R-7 postavljam pitanje: „ Da li je nadležna služba imala informaciju o tome, ko je to odobrio, pod kojim uvjetima, da li je to javno dostupno rješenje“? Ako jeste da se priloži odgovor na ovo pitanje. Radi se o tome da je trasa kojom (...) ostavila brojna oštećenja prekopavanja ceste, samo površno popravljena, a to je posebno loše na lokalnom putu na potezu od Lijevče do Mahoja gdje je prouzrokovalo neke odrone i tako dalje. Prouzrokovana šteta nije adekvatno sanirana. Pitanje da li je naš inspektor za ceste izlazio na teren, sačinio neki zapisnik, da li je, ako jeste nek priloži ako je moguće, da li je dostupna informacija ko je nadzorni organ na tim radovima?

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-184/21 od 17.06.2021. godine): U prilogu je odgovor Građevinskog inspektora.

2. Vijećnik Ajdin Polić: **Sljedeće pitanje** za Službu za upravu ekonomskih poslova i poduzetništva, uočeno je da na našoj internet stranici naše općine nije dostupna Odluka o dodjeli poticaja za razvoj poduzetništva za 2018., 2019. i 2020. godinu. Molim da se iste dostave i postave negdje na stranicu gdje su dostupne našim građanima i još jedno

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništvo, broj: 03-45-17-184/21 od 17.06.2021. godine): Svi podaci o dodjeli općinskih poticaja su redovno objavljuvani na općinskoj web stranici i nakon postavljanja novih sadržaja podaci koji se smatraju zastarjelim administrator stranice ulanjanja, međutim isti su ponovo objavljeni na stranici

<http://zavidovici.ba/centarzainvestitore/vodic-za-investitore/subvencije-poticaji-i-olaksice/>

3. Vijećnik Ajdin Polić: **Zadnje pitanje** za nadležnu službu. Isto tako tiče se naše internet stranice zvanične. Nije dostupan servis e-dijaspore, e-matičar, odnosno onlajn registar dijaspora. Zašto? Hvala.

Odgovor na vijećničko pitanje (Odgovor je sačinila Stručna služba općinskog načelnika): Zbog problema kartičnog plaćanja naknada za izdavanje izvoda iz matičnih stanja trenutno e-matičar i e-registar nisu u funkciji. Pristupit će se otklanjanju ovog problema na način da se razmatra promjena banke putem koje će se vršiti kartično plaćanje izvoda. E-dijaspore je vezana za rad e-matičara pa zbog navedenog postoji problem na oba servisa.

## 3. VIJEĆNIČKO PITANJE VIJEĆNICE ERNE MERDIĆ SMAILHODŽIĆ

Vijećnica Erna Merdić Smailhodžić: Na osnovu člana 8. Poslovnika o radu Općinskog vijeća Zavidovići, postavljam vijećničko pitanje, zašto rasvjeta na mostu „Duga“ nije u potpunosti u funkciji?

### **Obrazloženje:**

Nakon što je most „Duga“, kao jedan od zaštitnih simbola naše Općine stavljen u funkciju, dužina cijelog mosta bila je pokrivena led trakama koje su uz reflektore na stubovima

osvjetljavale most. Ubrzo, nakon otvaranja, osvjetljenje sa led trakama duž ograde mosta prestalo je sa radom. Postavljam pitanje, zašto led trake nisu vraćene u funkciju i koji je razlog ne korištenja takog vida osvjetljenja na mostu, budući da isti je jedan od najljepših objekata napravljenih u poslojratnom periodu te u večernjim satima osvjetljenje s led trakama davalo mu je posebnu ljepotu?

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-168 od 23.06.2021. godine): Navedena led traka koja je uz postojeće reflektore dodatno osvjetljavala most „Duga“, nakon prvobitnog vandalskog čina kojim je od strane nepoznatih i neodgovornih lica nedugo nakon otvaranja mosta, bila potrgana i pokradena, kroz aktivnost održavanja javne rasvjete je bila sanirana na način da je zamijenjena novom i time je mostu bilo vraćeno njegovo prvobitno osvjetljenje.

Nažalost, nakon izvjesnog vremena je došlo do ponovnog trganja i uništenja led trake a počinioci nisu ni tada, kao ni prvi put identifikovani i nisu kažnjeni za taj svoj vandalski čin. Općinski načelnik i nadležna Služba za upravu poljoprivrede, vodoprivrede i komunalnih poslova i pored takvih dešavanja, nisu odustali od ponovnog postavljanja led trake i trenutno se sa preduzećem koje održava javnu rasvjetu, radi na iznalaženju najbolje opcije u smislu dodatne zaštite led trake koja se planira postaviti a kako bi svaki naredni pokušaj njenog uništenja bio osujećen i kako bi tako postavljena rasvjeta, mogla za jedan duži vremenski period da osvjetljava navedeni most.

#### 4. VIJEĆNIČKO PITANJE VIJEĆNIKA ADIJA MAHOVAC

1. Vijećnik Adi Mahovac: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam vijećničko pitanje koje se tiče potrebe informisanja OV-a i vijećnika, kao i građana o realizaciji pojedinih aktivnosti organa lokalne uprave. Vijećničko pitanje sadrži podpitanja kako slijedi:

S obzirom na odsustvo informacija i nepoznanice šire javnosti o realizaciji pojedinih aktivnosti Opštinskom načelniku i nadležnim općinskim službama upućuje se pitanja sa sljedećom predmetnom problematikom:

Šta se dešava sa sistemom javne rasvjete u naseljima u urbanom dijelu grada i njegovoj (ne) funkcionalnosti? Svjedoci smo u proteklom periodu nefuncionisanju javne rasvjete u naseljima Dutjeska, duž ulice dr. Pinkasa Bandta, naselja Gaj, Novo Naselje, Gvozdeni Most, ... Građani izražavaju javno nezadovoljstvo, brinu za sigurnost života i imovine, zahtijevaju hitno rješenje problema i hitna postupanja, traže javnu identifikaciju krivaca i pozivaju na odgovornost istih. Svaki dan, novi problemi, nova naselja u mraku?

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-168 od 15.06.2021. godine): Općinski načelnik putem Službe za upravu poljoprivrede, vodoprivrede i komunalnih poslova početkom svake godine provodi postupak javne nabavke u cilju odabira najpovoljnijeg ponuđača za poslove održavanja javne rasvjete te je i ove godine Odlukom o pokretanju postupka javne nabavke još 21.12.2020. godine isti pokrenut a kako bi se planirane aktivnosti za 2021. godinu mogle na vrijeme i u kontinuitetu rješavati.

Kako postupak javne nabavke kroz svoju zakonsku proceduru zahtijeva i određenu vremensku distancu te kako nije došlo do usvajanja Budžeta Općine za 2021. godinu u planiranom vremenskom okviru, tako je i postupak javne nabavke usluga „Održavanje javne rasvjete na području općine Zavidovići za 2021. godinu“ iako započet donošenjem Odluke o pokretanju još 21.12.2020. godine tek okončan potpisivanjem Okvirnog sporazuma sa

odabranim izvođačem na dan 07.04.2021. godine i tek tada su se stekli uslovi za pokretanje aktivnosti na saniranju javne rasvjete na svim mjestima gdje je to bilo neophodno.

Nakon potpisivanja Okvirnog sporazuma sa preduzećem „DELTAH HM“ d.o.o. Zavidovići, odmah se pristupilo izvođenju radova te je u proteklih dva mjeseca sanirana glavna do tada uočenih i prijavljenih kvarova na sistemu javne rasvjete pa i u ulicama i naseljima koja se pominju u vijećničkom pitanju.

Pored standardnog održavanja postojeće javne rasvjete a u cilju trajnijeg rješavanja veoma zastarjelih rasvjetnih tijela na javnoj rasvjeti u gradskoj zoni od kojih su neka postavljena prije 30 i 40 godina, Općinski načelnik je već pokrenuo postupak zamjene postojećih rasvjetnih tijela u tri gradske ulice i postupak javne nabavke je već u završnoj fazi dok će se kontinuirano do kraja godine a shodno potpisanom Okvirnom sporazumu sa navedenim preduzećem, putem Službe za upravu poljoprivrede, vodoprivrede i komunalnih poslova nastaviti održavanje javne rasvjete u okvirima planiranih sredstava za te namjene u tekućoj godini.

2. Vijećnik Adi Mahovac: Zašto nema prijenosa sjednica Općinskog vijeća, direktnog emitovanja i objave snimaka, u skladu sa ugovornom obavezom elektronskih medija angažovanih za pružanje ove usluge? Javnost, kao što smo svjedoci, nije bila u mogućnosti pratiti 4. sjednicu OV Zavidovići u direktnom prijenosu, niti je objavljen snimak sjednice. Postoje naznake i indicije i da će ova 5. sjednica OV Zavidovići biti nedostupna za širu javnost. Zašto, koji su razlozi i da li će ovo činjenično stanje uticati na ugovornu obavezu, njeno ispunjenje, medijske prezentacije aktivnosti organa lokalne zajednice?

Odgovor (e) na moje vijećničko pitanje pored usmenih dostaviti i u pisanoj formi.

S poštovanjem,

Odgovor na vijećničko pitanje (Odgovor je sačinila Stručna služba općinskog načelnika): Općina Zavidovići i PD „SMART TELEVIZIJA“ d.o.o. Tešanj zaključili su 05.04.2021. godine ugovor o izvršenju usluga za koprodukciju televizijskog programa za potrebe informisanja građana općine Zavidovići o radu organa Općine Zavidovići za 2021. godinu broj: 02-11-185/21-AP-11 od 05.04.2021. godine. Koprodukcija televizijskog programa obuhvata:

- Televizijsko snimanje informativnog magazina pod nazivom Hronika općine Zavidovići koja obuhvata snimanje najznačajnijih događaja na području općine Zavidovići. Najznačajni događaji podrazumijevaju rad Općinskog načelnika i administracije, rad Općinskog vijeća Zavidovići, javnih ustanova i preduzeća koji imaju sjedište ili provode aktivnosti na području općine Zavidovići koji po svom sadržaju trebaju biti dostupni građanima općine Zavidovići u cilju njihovog informisanja. Hronika se snima jedanput tokom sedmice u minimalnom trajanju 30 minuta.

- Televizijsko snimanje gostovanja predstavnika općine Zavidovići u studiju Televizije. Gostovanje će biti snimano četiri puta tokom ugovorenog perioda u trajanju od najmanje 45 minuta. Sadržaj tema na studijskom gostovanju određuju partneri u koprodukciji programa na nepristrasan i profesionalan način.

- Sadržaj priloga u hronici određuju partneri u koprodukciji programa na nepristrasan i profesionalan način. Općina Zavidovići je dužna najkasnije 24 sata prije početka značajnog događaja obavijestiti Televiziju o događaju koji zaslužuje da bude obuhvaćen hronikom, osim u slučajevima kada zbog prirode nastanka događaja nije moguće ispoštovati navedeni rok.

- Snimanje sjednica Općinskog vijeća Zavidovići bez obzira na dužinu trajanja i broj sjednica tokom jednog mjeseca.

- Emitiranje oglasa, obavještenja, saopštenja, čestitki i drugih aktuelnosti. Emitiranje navedenog sadržaja podrazumijeva tekstove kraćeg sadržaja, koje Općina Zavidovići dostavlja blagovremeno dobavljaču putem e-mail pošte.

- Snimljeni televizijski materijal hronike, studijskog gostovanja i sjednica Općinskog vijeća Zavidovići emitirat će se putem televizijskog medija koji ima distribuciju programa najmanje na području cijele općine Zavidovići. Hronika će se emitovati jedanput sedmično u sedmici za koju je izvršeno snimanje, uz prethodnu najavu najmanje 48 sata prije emitovanja. Snimak Sjednice Općinskog vijeća Zavidovići emitovat će se dva puta u mjesecu u kojem se sjednica održala, osim u slučaju da zbog termina održavanja sjednice to nije moguće ispoštovati. Emitovanje snimka studijskog gostovanja vršit će se u roku 24 sata od dana izvršenog snimanja materijala uz obaveznu najavu istog.

- Televizija se obavezuje da će snimljene materijale ponuditi drugim televizijskim kućama da iste mogu preuzeti i emitovati putem svojih televizija. Televizija je obavezna nakon emitovanja snimljenog materijala omogućiti Općini Zavidovići preuzimanje snimljenog materijala na web stranicu, te jedan primjerak materijala dostaviti na DVD-u kao arhivski primjerak.

Reportaža snimka 5. sjednice Općinskog vijeća Zavidovići koja je održana 31.05.2021. godine je emitovana u petak 04.06.2021. godine, te u repriznim terminima u subotu 05., 09. i 10. juna 2021. godine. U prilogu dostavljamo kopiju izvještaja PD „SMART TELEVIZIJA“ d.o.o. Tešanj broj: 02-35/21 od 21.06.2021. godine. Navedenim koprodukcijskim ugovorom nije ugovoreno direktno prenošenje sjednica Općinskog vijeća Zavidovići. Usluga direktnog televizijskog prenosa sjednica Općinskog vijeća Zavidovići je odnedavno postala dostupna i za nju bi trebalo izdvojiti na mjesečnom nivou oko 300,00 KM bez PDV-a.

## 5. VIJEĆNIČKO PITANJE VIJEĆNIKA FERIDA KAKNJAŠEVIĆ

Vijećnik Ferid Kaknjašević: Pozdravljam sve prisutne i naše sugrađane ako nas prate putem medija. Očito da nas ne prate i ja ću da pojačam pitanje mog kolege Adija. Očito da se ovdje nešto dešava s nama, vijećnicima nikom nije jasno da li je u interesu nekim političkim elitama i lokalnim moćnicima da se prenosi sa ovih sjednica ne prenose. Ja sam pitao službenice, kamerane ovdje prisutne Smart televizije i oni nisu mogli dati nikakav odgovor. Prema tome, ja ne vidim nikakvu svrhu da oni nas uopšte danas i snimaju i da dalje jel snimke sa ovih sjednica, jer očito nema ni direktnog prenosa, a nema prenosa ni u snimku. Ako je u pitanju da imamo zapis za arhivu, onda imamo radio zapise. Ja bi volio, vidim da pomoćnica ovdje ili neko ko zna o tome nešto da nam odgovori, jer ovo stvarno nema smisla. Hvala.

Odgovor na vijećničko pitanje (Odgovor je sačinila Stručna služba općinskog načelnika):  
Odgovor se daje istog sadržaja kao odgovor na 2. vijećničko pitanje vijećnika Mahovac Adija.

## 6. VIJEĆNIČKO PITANJE VIJEĆNIKA ZAHIDA AVDIČEVIĆ

Vijećnik Zahid Avdičević: Predsjedavajuća, Radno predsjedništvo, kolege i kolegice vijećnici, pomoćnici načelnika, predstavnici Policijske uprave Zavidovići, građani općine Zavidovići, sve vas srdačno selamim i pozdravljam.

Moje pitanje će biti vrlo kratko, pitanje se odnosi na nadležnu službu, vjerovatno Služba za društvene djelatnosti i možda čak i ekonomske poslove, da mi se dostavi kopija ugovora o iznajmljivanju prostora BH Telecomu na području mjesne zajednice Kovači to jest u prostorijama Doma mjesne zajednice u kojem koje je u vlasništvu općine Zavidovići. Znači, da mi se dostavi kopija ugovora pod kojim uvjetima i koji iznos to jest po kojoj cijeni se iznajmio prostor koje koristi BH Telecom. Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti i opću upravu, broj: 04-45-14/21-AP-193 od 16.06.2021. godine): Služba za upravu društvenih djelatnosti i opću upravu kao i Općina Zavidovići nema kopiju Ugovora o iznajmljivanju prostora BH pošti, na području Mjesne zajednice „Kovači“ iz razloga što prostor u kojem je smještena BH pošta nije u vlasništvu Općine Zavidovići.

Dana 31.10.2011. godine uspostavljen je zk. uložak broj 35 u katastarskoj opštini Činovići i time je upisano pravo vlasništva JP BH POŠTA D.O.O. Sarajevo.

U prilogu dostavljamo:

1. Zemljišnoknjižni izvadak broj 35, broj: 042-0-NAR- 20-001 253 od 18.09.2020. godine,
2. Kopija katastarskog plana.

S poštovanjem

PO OVLAŠTENJU OPĆINSKOG  
NAČELNIKA broj: 02-05-4/17-AP-73  
od 03.10.2017. godine  
SEKRETAR OPĆINSKOG  
ORGANA DRŽAVNE SLUŽBE

Dostavljeno:

1. Naslovu,
2. U spis.

Nermin Čahtarević, dipl. pravnik